


6)
Römischer Kaiserlicher
Maje. Im heyligen Reich
ausgekönndter Achtbrief-
wider den Churfürsten zu
Sachsen vnd Landtgrauē
zu Hessen ꝛc.

M. D. XLVI.







Kaiser Karl

der Fünfft/ von Gots
genaden/ Römischer Kaiser/ zu allen
zeiten merer des Reichs/ inn Germa
nien/ zu Hispanien/ Bayder Sicilien/
Iherusalem/ Hungern/ Dalmatien/ Croatien zc. König/
Erzherzog zu Osterreich/ Hertzog zu Burgundi zc.
Graue zu Habsburg/ Flandern vnd Tirol zc. Empie
ten allen vnd yegklichen Churfürsten/ Fürsten/ Gaist
lichen vnd weltlichen/ Pielatn/ Grauen/ Freyen/ Herrn
Rittern/ Knechten/ Hauptleüten/ Landtuögten/ Ditz
thümben/ Dögten/ Pflegern/ Verwesern/ Ambtleüten/
Schulthaisfen/ Burgermaistern/ Richtern/ Rätthen/
Burgern/ Gemainden/ vnd sonnst allen andern vnsern
vnd des Reichs Lehenmannen/ vnnderthanen vnd ge
trewen/ in was werden/ Stats/ oder wesenns die sein/
auch sonderlich Johan Friderichs Hertzogen zu Sachs
sen Churfürstn/ vnd Philipsen Landtgrauen zu Hessen/
Fürstenthümb vnd Lande Stenden/ vnderthanen/ zu
gehörigen vnd verwandten/ so diser vnser Kaiserlicher
brief/ oder glaubwirdig abschafft dauon zukommen/ oder
damit ersuecht vnd ermant werden/ vnnsere gnad vnd
alles güets. Erwürdige/ Hochgebornen/ lieb Neuen/
Churfürsten/ vnd Fürsten/ auch wolgebornen/ Edlen/
Ersamen/ Lieb Andacht/ vnnd getrewen. Wiewol
wir von anfang vnnsere Kaiserlichen regierung/ dar
ein vns der Almechtig/ vermittelt ordenlicher Chur vnd
wale/ gnedigklich gesetzt/ aufs angeborner lieb/ vnd zu
naigung/ so wir zu dem heiligen Reiche teütscher nation

als vnserm geliebten Vatterland / ye alwegen getragen /
vnd noch tragen / all vnser synn vnd gedancken / dahin
gericht / der Teütschen Nation Ehr / Vnz / fromen vnd
wolfart / allem vnserm eüßersten vermögen nach / gne-
diglich zü betrachten / fürzunemen / vnd zü befürdern /
vnd die Bey hergebrachter / löblichen Libertet / vnd frey-
haiten / auch allem fridlichen wesen / Rhüe / Recht / vnd
aynigkait zü erhalten / vnd derselben mermals vnserer
erbliche Königreich vnd Lande / mit höchster vnserer
vngelegenheit / vnd vnstatten / auch vernachtailung der
selben / verlassen / vnd endtlich weder vnserer Kaiser-
lichen person / noch vermögens / hierinn verschont.

Zü dem wir vns auch nun vil Jare in der hochsches-
lichen / geuerlichen / vñ sorglichen irrung des zwispalts
der Strittigen Religion / damit Teütsche Nation diser
zeyt / beschwerlich beladen / gantz gnedigist vnd vätter-
lich bemühet / solhem nachtailigen / vnd Teütscher Na-
tion verderblichñ zwispalt / zü Cristenlicher vergleichung
zubringen / vnd der Stende eingerisen mißuertrawen /
in freüntliche versüemung vnd gütwilligkait züerwen-
den / inmassen dann vnser gemüet / will vnd maynung /
anderst nie gewesen / vnd noch nit ist / dan das solhe be-
schwerliche irrung / vermög vil ergangnen Reichshand-
lungen / vnd gemainer Stende selbs gethanen Bewillig-
ung / durch ain Gemain Christenlich Concilium / oder
ander gebürlich weg vnd mittel / mit dem aller eheisten
Cristlich erörtert / hingelegt vnd vergleicht werdn solle.
Darinn wir dann mit Rat gemainer Stende / vnd für

vns selbs/Bis anhere/allerlay mittl fürgewendt/so wir
zū erlanngung angerüerter vergleichung/für dienstlich
geachtet. Vnd vnns in dem/vnd sonst aller vnnsere
Kaiserlichen regierung/dermassen gnediglich gehalten/
das vnns mit grundt nit auffgelegt werdenn mag/das
wir die ware Cristlich Religion/oder Teütscher nation
Libertet/in ainicherlay wege zūschwechen/zūmindern/
oder zū schmelern/vil wenig zūerdrukhen (wie vnns
ettlich (doch one allen grundt/mit gesparter warhait/
vnd ires eigens willens) vndersteen zūzemesen (ye inn
vnser gemüet genomen/nach in dem allem/vnsern ay-
gen nutz/sonder vil mer/vnd ainig des heiligen Reichs
Teütscher Nation gemain gedeyen/Frid/Ruhe vnd
wolfart gesuecht/vnd entlichen niemandten zū ainicher
Rebellion vnd ungehorsame/mit dem wenigsten vr-
sach gegeben/Sonder ye alwegen allen gnedigen vnd
vermüglichen vleiss fürgewendt/damit wir krieg vnd
vnrühe in Teütscher Nation verhüeten/vnd vil mer all
vnser macht mit gemainer Stende vnd anderer Poten-
taten zūthün/vnd hilff/wider gemainer Christenheit
Erbfeindt den Türcken/vnd andere ungläubigen/son-
derlich die ihenigen/so der teütschen vnd andern Criso-
lichen Nationen/nümehr gar zū nahendt an die seyten
komien/deststatlicher abwenden/vnd sy von vnns vnd
der Cristenheit/abtreiben möchte.

Dargegen aber (wie Ewr ließ/andacht/vnd menig-
lich vnuerporgen) alle vnd yede hohe vnd Nidere des
heyligen Reichs Stende/Glider/vnd vnderthanen/
A iij

vns herwiderumb / als irem natürlichen ainichen rech-
ten herrn / Haupt vnd Oberr / verwandt / gelobt vnd
geschworn / vns getrew / gehorsam / hold / vnd gewertig
vnd nymermer in dem Rathe zusein / da wider vnser
person / Ehr / wirde oder stand gehandelt wirdet / noch
darein zübewilligen / Sonnder vnser vnd des heyligen
Reichs Ehr / nutz / vnd fromen züfürdern / vnd schaden
züwarnen vnd züwenden / Vnd so ir einer verstrüende /
das wider vnser Kaiserlich Maiestat / oder person ichts
fürgenommen / oder gehandelt wurde / dem getrewlich
vorzusein / vnd vns vnuerzogenlich züwarnen.

Darzü auch in vnserm gemainen Kaiserlichen Landt
friden / vnd darauff eruolgten Fridstenden / lauter Be-
griffen / das weder in Religion vnd glaubens sachen /
noch auch khainer andern visach halber / in was schein
das geschehe / kein Stand den andern / Beuehden / Be-
Eriegen / vberziehen / Beschedigen / noch des seinen ver-
gweltigen / oder entsetzen / auch kein Standt den andern
zü seiner Religion dungen / noch dem andern seine vnt-
terthanan abpracticieren / oder wider ire Obriqkhaiten
in schutz vnd schirm annemen solle / Vnd den auch für-
nemlich / vns als römischen Kaiser / Haupt vnd oberr /
dem durch Götliche schickung / vnd ordnüg / der höchst
gwalt im heiligen Reiche / vber alle desselben Stende /
Glider vnd vnderthanan gegeben / vnd beuolhen ist / in
Krafft solches vnser gegebenen vnd beuolchen Ampts
vnd gwalts / gepürt vnd aigent / ob dem allem / wie ob-
steet / zühalten / auch die gehorsamen bey frid / vnd recht

zūhandthaben/ vnd vor allem vnrechtmessigem gewalt
zūschützen vnd zūbehüeten/ vnd die vngehorsamen/ wi-
derspennigen/ betrüeber vnd verprecher des gemaynen
Landtfridens/ durch alle befügte weg vnd mittel/ zū
gepürlicher schuldiger gehorsam zūweisen/ vñ zūhalten/
Aber dargegen yemands andern/ in was stannnds oder
wesens/ auch was religion/ oder glaubens/ der oder die
seyen/ weder in Götlichen/ noch auch in Menschlichen
Satzungen/ mit nichten erlaubt/ noch zūgelassen ist/ sich
aigens gewalts/ gegen vns/ als der höchsten Oberkait/
zūsetzen vnd auf zūlainen/ noch vnns seine gepürende
schuldige gehorsame/ seiner selbs gethanen pflicht/ vnd
Ayd zūwider/ fräuenlicher weise zūentziehen/ Welches
auch one das/ aller ordennlichen Regierung/ merckliche
zerrüttung/ vnd zerstörung/ auch ainem yeden selbs/ bei
seinen vnderthanen/ so dadurch gegen ine/ als der nach
vnd vndter vnns gesetzten Obrigkeit/ gleicher massen
auch zethün/ vnd sich wider ine zūsetzen vñ zūempören/
souil desto mehr verursacht vnd geraitzt werden) ain
gantz beschwerlich vnd sorgklich Exempel/ vnd ein-
gang bringt vnd gepern thüt.

So haben doch vnbedacht/ vñ vnangesehen des alles/
obgemelt Johans Friderich hertzog zū Sachsen Chur-
fürst/ vnd Philips Landgraf zū Hessen/ nun mer lange
zeit vnd Jar her/ dem entgegen/ auß aigenwilliger frä-
uenlicher vermessenheit/ all vnnsere gehabte mühe vnd
arbeit/ auch vilfeltige vleissige hanndlung/ die wir bis
her/ als obsteet/ zū fürderung Fridens vnd rühe im heis

ligen reiche/vnd züabstellung des hoch beschwerlichen
lasts/der irrung vnd spaltung/fürgerwendt/sambt aller
fruchtbarer handlung/vnd befürderung des heiligen
Reichs Teütscher Nation/gemainen obligen/nütz vnd
notturfft/souil an inen/vnnd sy stat vnnd volg finden
mögen/züuerhindern/vnd vnns ir selbs gepürlich vnd
schuldige gehorsam/manigfeltiglich entzogen vnd ge
waigert/vnd sich nit allain wider vns vnd vnser Kai
serliche hoheit aufgelaunt/sonder auch ander vnser vnd
des heiligen Reichs Stende/Glider/vnd vnderthanen/
zü gleichmessiger vngehorsam/auch vnzimlichen/vnnd
im Rechten verpoten Conspiration vnd anhang aufge
wigelt/angewisen/geraitzt/bewegt/vnd würcklich ge
bracht/vnnd vnns dardurch/an ordenlichem gebrauch
vnd übung vnnsers Kaiserlichen gewalts/in mererlay
weg/eintrag vnd irrung züthün/vnd sich desselben mit
der that vermaintlich anzümassen/vnderstanden. Wie
dann anfenglich der Landtgraf/vnbedacht/vnange
sehen das ime als ainem Standt vnd glid des Reichs/
so vnns vnd demselben Reiche vnnderworffen/seinem
Standt vnd wesen nach/nit gepürt/aigens gewalts/
one vnser vorwissen/vnd erlaubnus/gegen andern sei
nen mitgliedern des Reichs/ainich vchd/oder krieg für
zünemen/nicht destomynder vnderfangen/gegen et
lichen des Reichs fürnemestn glidern/vntter erdichtem
schein/vnd gesuechter anforderung/aigens fürnemens/
sich in kriegshandlung/vnd werbung zübegeben/die
selben Glider vnd Stende ains tails darunder mit ab
schazung treffentlicher Summa gelts/vnd ains tails mit

thatlicher entsetzung vnnnd einnehmung irer Lande vnd
Leute/Beschwerdt/belestigt/vnd vergwältigt.

Vnd sich daran mit settigen lassen/sonder sambt vnd
neben obgenanntem Johans Friderichen Churfürsten
zü Sachssen/wider ires gleichen Fürsten vnd mitglied/
ain offnen Krieg/vnerlaubt/vnd vnersuecht/vnd vner-
folgt Rechtens/sonder aigens gewalts/vnd thatlicher
weise fürgenomen vnd geübt/denselben Fürstn/so sein
Land von vnns/vnd dem heiligen Reiche/ als vnserer
höchsten Regalien aines/jnmassen seine vorfarn bis auf
jne/von alters her zü lehen rechtlich getragen/mit hores
gewalt vberzogen/von Land vnd Leuten verjagt/wie
sy dan solch sein landt mit der that noch jnnhaben.

Darzüe auch etlich gefürste Bischöflich/vnd andere
Gaisliche Stiffte/vnnnd Prelatur/vnd auch Graffschafften
vnnnd Herischafften/so von alter her ire Regalia vnnnd
Lehen/von vnnsern löblichen vorfarn am Reiche/vnd
vns empfangen/auch für Stennde/vnd mitglieder des
Reichs erkeint worden/ire Session/vnd stimb in Reichs
Räthen gehabt/vnd in allen Reichs obligen/vnd An-
schlegen mitleidig gewesen/vnnnd vnns als Römischen
Kaiser/alle gehorsam gelaistet/vnd noch zü laisten vr-
pütig sein/Sy auch bey vnns vnd dem heiligen Reiche
zühandthabung/vns vnd gemaine reichs Stende/auf
etlichen hievor gehaltenen Reichstagen/offt vnderthe-
niglich ersuecht haben/vnns vnd dem heiligen Reiche
gewaltiglich mit der that züentwenden/vnd die neben

Dem löblichen von vnsern vorfarn Römischen Kaisern
vnd Königen gefreyten Adel vnd Ritterschafft/vnder
sy züziehen/vnd zedungen/sich gewaltigklich vnnnder/
fangen/wie sy dann auch deren etliche gewaltthätlicher
weise eingenomen/vnd wider vnser Beuelh vnd gepot/
mit fräuenlicher vnuerschampter waigerüg gehorsams
vnd Rechtens/noch vorenthalten. Neben dem auch
sonst ander mer hoch vnd Nidere Stenden/ire Obriß/
kaiten/Güeter/Kennten vnd Gülden/aigens gewalts/
vilfeltig entsetzt/vñ noch vnauf hörlich entsetzen/ Auch
etlich Stende/vnd derselben vnderthanen/vber vnd
wider vnser/vnd irer ordenlichen Obrißkait verwilli-
gung/durch geschwinde weg/vnd practicken/vnnnder
dem schein der Religion/dahin bewegt/das sy sich in
iren Schutz/vnd schirm Begeben/die sy auch also darein
angenomen/auch noch stundtlich practizieren/Bewegen
vnd annemen/Alles in mainung/dieselben vns vñ dem
heiligen Reiche/vnnnd andern iren rechten natürlichen
Herrn vnd Obrißkaiten züentziehen/vnd inen selbs zü
zeaignen/vnd vnder sy zübringen.

Gleichermassen sy auch aus vermessenlicher Feckhait/
mit vnderlassen haben/mit etlichen Stenden zü practi-
cieren/vnd sy dahin züweisen/disen vnsern gemaynen
Reichstag mit zübesuechen/Sonnder zweyfels/Thainer
andern mainüg/dañ vns zü höchster verachtung/vnd
damit in des heiligen Reichs Beswerlichen obligen dest-
weniger fruchtbars ausgericht werdñ möcht. ¶ Wel-
hes sy auch vmb souil geringer vñ one sorg vndersteen/

thun/vnd verrichten mögen vnd dürffen/Dieweil sy
weder Gericht/noch Obigkeit erkenen/noch entsitzen/
sonder den gemainen Friden/vnd Administration der
Justitien dahin turbiert/vnd verhindert haben/das
auch wolgesprochne vtl züvolziehen/gesperet/vnd letzt
lich aus irer vnbesüegten verursachung/vnser höchstes
Kayserlich gericht im heiligen Reiche teütscher nation/
gar aufgehoben/vnd meniglich nümer/vber Jar vnd
tage Rechtlos gelassen werden/vnd noch wirdet/Das
doch nit allain an ime selbst beschwerlich/vnd vilen ar
men vertruckten/vnd spolierten partheien züm höchstn
nachtailig/sonder auch bey allen Nationen/vn völkern
ganz erschrocklich/vnd vnloblich ist. Vnd das aber
züm aller beschwerlichisten ist/so üben vnd treiben sy
solhes alles den merern tails/allain vnder dem berumb
ten vnd verwendten lieblichen annüetigen schein der
Religion/auch fürgewendter angemasseter erhaltung
Fridens/Rechtens/vnd teütscher Nation Libertet/die
sy zü ainem Teckenmantel aller irer geschwinden/vnge
trewen/vnd vnrechtmässigen handlungen fürwenden.
Da sy doch nicht wenigens/als vergleichung der warñ
Cristlichen Religion/oder erhaltung Frids/Rechtens/
oder teütscher Nation Libertet suechen/noch leiden/Zü
dem das sy bey der löblichen waren Cristlichen religion
mit kainem grund befinden/oder darthün mögen/das
sich inen gegen Irer höchsten Obigkeit fräuenlich züse
zen/in aynicherley weg gapüren welle/Dieweil ye sol
ches der Christenlichen Religion stracks züwider/aber
das gegenspil/in der heiligen götliche/auch ander glaub

wirdigen geschriefften/vñ historien sich klärlich befindet/
das die ersten ware Cristglaubigē/die sich ires glaubens
mit allain mit plossen Worten berümbt/sonder mit wanz
del vnd werckhen/auch vergießung ires plüts bezeugt
haben/auch den Haydnischen Kaisern/Königen vñnd
Obrikgaiten/gehorsame gelaistet. Derhalben dann dise
vnser vngehorsamen/vntrewen/vmb souil desto we
niger füegs haben/vnns als ires ordenlichen Obrikgait/
ire schuldige gehorsam/vndter dem schein der Religion
züentziehen/vnd sich gegen vns züerheben vnd auffzü
baumen/Sonder geben dadurch allermeniglich züer
kennen/das jr gemüet vnd vorhaben/vil mer dahin ge
richt ist/vnns entlich nach vnser Kaiserlichen hocheit/
Authouitet/Cron/vnd Cepter zütrachten/vñ die sambt
der Religion/Frid/Recht/vnd Libertet züerdrucken/
vnd darunder iren aigen nutz vnd erhöhung vnrecht
licher weyse züsuechen vnd zübefürdern/vñ also menig
klich/vndter jr gewaltsam/ioch/vnd Tyraney zütrin
gen/auch volgenndts (wo sy die gelegenheit ersehen)
vñhed/vnd kriegsgewalt fürzünemen/Wie dan ire frä
uenliche vermessene reden/deren sy sich hievor vernemen
lassen/Dergleichen auch die lesterlichen/schandt vñnd
schmachschriefften/vnd gemelde/die sy im druckh/vñnd
sonnst in iren Fürstenthümben/Landen vnd Gepieten/
aufgeen/vnd allenthalben in das heilig Reiche/on alle
schew/offennlich vmbtragen/vñnd außspraiten lassen/
darinnen wir züm schmechlichisten/verächtlichisten an
gezogen/angetast/vñnd verunglimpfft werden (one
zweifel in manyung/den gemainen Man/durch solche

vnd andere weg vnd mittel/wider vns zübewegen/zü
verpittern/vnd dardurch zü empörung/vnnd auffrüer
zürägen) solhes ires vntrewen auffrüerischen gemüets
genügsame anzaig vnd zeügnuß geben.

Daneben sy auch mit vnderlassen/auff iren Conuen-
tich/vnd neben versamlungen/ irer pflicht vnnd Ayd
zürwider/mit allain allerlay Pacta/ Pündte/ Conspira-
tion/vnd andere meüterey gegen vns züerwegen/son-
der daneben bey frembden Potentaten/vnd anndern/
vns one allen zweifel/züm heffigisten einzüpilden/Auch
vns zü nachtail/denselben Potentaten/vnd andern/als
obsteet/allerlay gehaimen anhang/ fürffschuß vnd für-
derung anzüpieten/mit inen zü practicieren/vnd die wi-
der vns züherzen/züstercken vnd bewegen.Zü dem das
noch wol etliche verhanden/die von irem güten willen
vnd naigung gegen der Teütschen Nation/ dieselb des
Türcken halben/in gefer vnd sorg zü setzen vnd zühal-
ten/gnüegsamlich züsagen wissen/ Welches auch vmb
souil desto mer zü glauben/dieweil inen solches zü irem
vorhaben/ire Tyraney dardurch züerhalten/zübeschö-
nen/vnnd in das werckh zürichten/mit vngelegen/noch
vndienlich sein möchte.

Alles in vergeß der hohen pflichten/damit sy vnns/
als Römischen Kaiser/irem von Got verordneten/ay-
nigen natürlichen rechten herin/Haubt vnd Obern ver-
wandt/Auch züerklainung/abpruch/vnnd schmeller-
ung vnser Kaiserlichen hoheit/Auctoritet vn̄ gewalts/

vnd vnserm gemainen Kaiserlichen Landtsriden/ auch
der darauff eruolgten Fridtstenden züwider vnd ennt
gegen/ die sy auch mit anderst achten/ halten/ vnnnd auß
legen/ dan ob sy allain darumb gemacht vnd aufgericht
weren/ den gehorsamen die hennde züsperrzen/ vnnnd ire
natürliche erlaubte Defension vnd gegenwer/ abzüstri
cken/ Aber herwiderumb inen dardurch erlawbt vnnnd
zügelassen/ ires gefallens/ alle vnrechtmessige/ verpotne
handlung/ wider die gehorsamen Stende fürzünemen/
zü üben vnd volnfüeren.

Durch welche hieoben erzelte verhandlung/ vnge
horsam vnd Rebellion/ auch anmassen vnd antastung
vnserer Kaiserlichen hochait/ gewalts vnd Obngkait/
sy sich dann/ des allerhöchsten/ erschrocklichisten lasters/
der Belaidtigten Mayestat/ tailhasstig gemacht/ vnd in
die peen vnd straff desselben/ sambt Berürts Landtsfri
dens/ mit der that gefallen sein/ Wie dann solches alles
so offenbar vnd Landkündig das ainicher fernern noch
merern außfürlichen vermeldung hierin von nöten ist.

Wiewol wir nun vnseres tragenden Kaiserlichen
Ampts halben/ wolgegründten füeg/ vnnnd vsach ge
habt/ hievor länngst/ gegen gemelten Churfürsten zw
Sachsen/ vnd Landtgrauen von Hessen/ den weg der
gepürlichen straff fürzünwenden/ So haben wir doch
züerhaltung fridens/ auch verhuettung des kriegs/ vnd
darauf folgenden vnrats/ iren bisshere gnediglich ver
schont/ sonder inen/ in allen handlungen/ mer vnd weit

ter/dan̄ vns wol gepürt/nit mit geringer beschwerung
vnd verferung vnserer gewissen/auch verflainerung
vnserer Kaiserlichen Auctoritet/vnd viler gehorsamen
Stende/höchsten belaidigung/nachtayl vnd schaden/
gnedigklich gehengt/vnd nachgesehen/Vnd vnns dar
auff in dem verschinen Ain vnd vierzigisten Jare/alhie
zü Regenspurg/gegen dem Landtgrauen/Vnd nach
mals auff vnserm nechstgehalten Speyrischen Reichs
tag des Vier vnd vierzigisten Jars der minder Jarzal/
gegen dem Churfürsten zü Sachssen/mit allen gnaden
erzaigt vnd bewisen/vnd gemzglich verhofft/sy durch
solch vnser vbermessige gedult/gnad vnd güette/von
Irer schweren Rebellion/vngehorsame/auch vnzim
blichen practicken vnd fürnemen/ye zü letzt abzüwenden
vnd zügewinnen/auch also den wege der straff züuer
hüetten.

Diueil wir aber augenscheinlich vernemen vnd be
finden/das all vnser vätterlich milte/gedult/nachsehen
vnd güete/Bey berürten Churfürsten vñ Landtgrauen/
bis anhere/anders noch merers nicht gewürckht/dann
das sy vns allain plosse wort gegeben/vnd nicht desto
weniger irem schufftlichen vnd mündtlichen erpietten
vnd verströsten/alle ire handlung im werck enntgegen
gericht/auch vber vnd wider vnser vnd des Reichs
Ordnung/Abschide/vnd Kayserlichen auffgerichtem
Landt vnd Religion Friden/auch gepot vnd verpot/
so wir hienor züm offtermalen/zühandthabung dessel

ben Land vnd Religion Fridens / vnd züuerhüettung
alles gewaltthätigen fürnemens / allenenthalben in das
heilig Reiche ausgeen vnd verkünden lassen / sich dersel-
ben manigfeltiglich mispraucht vnd vberhebt / vnd
vnsern mit inen alhie zü Regenspurg vnd zü Speyer
gepflegnen gnedigisten handlungen / gestrackts entgegen
gangen / vnd sich des alles / nur zü ainem Teckenmantel
ires fräuenlichen müetwillens gepraucht / Vnd dan aus
bösem neidigen heffigen gemüet / vnd vnzimlicher ge-
bürlichait züherschen / in irn argē fürsatz / also verstocket
vnd verhöret sein / das all ir vorhabē allain dahin steet /
meniglichen des seinigen / ires gefallen züuergwältti-
gen / Vnd derhalbē weder Gericht noch recht züleiden /
Sonnder vil mer / aus angezaigten gefasten neyd / vnd
vortailigen geytzigen gemüet / wider alle Recht vnd
Billichait / Auffrüer vnd krieg / im Reiche zübewegen /
Fürsten / Grauen / Herren / vnd gemainen freyen Adel /
auch andere Stennde vnd Glieder des heiligen Reichs /
Gaislich / vnd weltlich / aigens gewalts / wider vnsern
Kaiserlichen außgekündten Landtfriden züüberziehen /
vnd mit gewalt / vnd sonst durch allerlay geschwindige
kait / vnder sich zübringen. Auch Frid vnd Recht im
heiligen Reiche / vnd vnsere Kaiserliche Auctoritet züuer-
drucken / vnd ihenig dieselbig züzeaignen. Conuenticula
vnd versamblungen fürzünemen. Pact / Punde / Con-
spiration / vnd andere meütere / gegen vns züerwegen.
Vnd vns durch Schmach vnd ander schufften / vnd
sonst / züm häffigisten vnd verächtlichisten anzütasten /
einzüpilden vnd züuerunglimpffen / lassen vñ gestatten.

Vnd wie gnediger vnd güettiger wir vnns gegen inen
erzaigt/vnd inen mer vbersehen vnd nachgelassen/das
sy nur vmb souil desto beharrlicher vn̄ verstockter/auf
irem fräuenlichem fürnemen zübleiben vn̄ fürzüdungen
vnderstanden. Vnd durch solhes alles/vmb souil desto
mer ernstliche/schwere/vnd vngewondliche straff ver-
dient/auch derselben pillich zü gewartten haben.

Vnd wir auch daneben gnediglich bedenncken/wo
wir also lennger züsehen/vnd vnns vnnsrer ordenlichen
Kaiserlichen macht/vnd gewalts nit geprauchten/nach
gedachten Churfürsten vnd Landtgrauen/zü gepür-
licher gehorsam bringen solten/das die löblich Teütsch
Nation/nit allain zü Crislicher vergleichung/der strit-
tigen Religion/zükönnen wenig hoffnüg haben möcht/
Sonder auch des hoch nottürfftigen bestendigen Fri-
dens vnd Rechtens geraten vnd mangeln/Vnd dage-
gen alles vnrechtlichen gewalts/Tyranny/Plackerey/
vnd zerstörung aller güten ordnung vnd Pollicey/Auch
abfals vnd verlierung alles Trawen vnd Glaubens/
erwarten/Vnd dadurch also gar/aus dem Frid/in den
vnfrid/vnd aus der Freyheit/in schwere dienstbarkeit/
gestellt werden müeste.

Welches vnns aber/in vnd bey vnnsrer Kaiserlichen
Regierung/lennger züsehen/nach zügedulden thains
wegs gemaint/gepürlich/nach vor Got/nach der welt
verantwürtlich sein will.

C

Vnd seind derhalben züuerhüetten obangeregts mer
ern lasts/vnrats vnd nachtails/so dem heiligen Reiche
Teütscher Nation/ vnd gemainer Cristenhait/hieraus
eruolgen möchte/zü letzt dینگlich bewegt/vnns vnsern
Kaiserlichen Ambts/gegen genanten Churfürsten von
Sachssen/vnd Landtgrauen von Hessen/zügebrauchen.

Dieweil dann obgedachte ire erzaigte vngheorsam/
Rebellion/betrüebung vnnnd zerrüttung/ Fridens vnd
Rechters/veracht vnd verletzung vnserer Kaiserlichen
Mayestet vnnnd hochait/vnd anndere ire müetwillige/
fräuenliche/gewaltsame/ Fridbrüchige geübte hand
lung vnd empörung/allenthalben offenbar/lautkündig/
vnnnd am tag ligen/deren sich auch/der genant Chur
fürst von Sachssen/vnnnd Landtgrauē zü Hessen/mit
kainem gründt/süeg/oder schein/entschuldigen oder Be
schönen können/Auch on das kain ordenlich Recht/Ge
richt noch Richter/vber sich leiden wollen/sonder vns
an vnserē Hochait vnd Gewalt selbs greiffen/vnd sich
desselben vnderziehen/ auch gegen andern stenden/nur
thatlichs gewalts/vnd gewappneter hand gebrauchñ.

Demnach haben wir nach erwegung aller gelegen
hait/vnd gestalt diser sachen/auf erhaischung vnd for
derung der hohen vnuermeidenlichen not/vnnnd schul
diger pflicht vnnsers von Got Beuolchenen Ambts/die
genanten Johans Friderichen Churfürstñ von Sachs
sen/vnd Landtgraf Philipsen von Hessen/als vnnsere
vngheorsamen/vntrewen/pflicht/vnnnd Aydprüchige/

Rebellen/auffrueerischen/verächter/vnd verleger vnser
Kaiserlichen hochhait vnnnd Mayestat/verprecher des
gemainen aufgekündten Landtfridens / in vnser vnd
des heiligen Reichs Acht vnd Aberacht/auch obgemel-
ten Peenen/Straffen vnd püessen gefallen sein/erkennt/
erclert/vnd verkündt/vnd sy aus dem Friden in den
Unfriden gesetzt. Erkennen/Ercleren/vnd verkünden
sy also in vnser vnnnd des Reichs Acht vnnnd Aberacht/
auch vorgemelte Peen/Straff vnd püessen/Setzen sy
auch auf vnserm vnnnd des heiligen Reichs Friden in
den vnfriden/alles von Römischer Kaiserlicher macht/
wissentlich/vnd in krafft ditz.

Vnd sein darauff zu gepürlicher/würcklicher Execu-
tion/ volnziehung vnd volnstreckung/diser vnser Er-
clerung/vnd verkündung gemelter Acht/Peen/straff/
vnd püessen/genzlich entschlossen/gegen denselben Jo-
hans Friderichen vnd Philipfen/die sich nennen Her-
zog zu Sachsen/vnd Landtgraf zu Hessen/als offnen
Achtern/ Auch vnsern/vnd des Reichs Widersachern
vnd feinden/vermittelt Götlicher gnad/hilff/vnd bey-
stands/ mit gepürlicher Straff/one lenger verziehen/
selbs fürzügeen/vnnnd züvorsaren/damit wir alsdann/
vnuerhindert der selben/zü aufrichtung bestendig frids
Rechtens vnnnd ainigkeit im heyligen Reiche/dest stat-
licher greiffen/vnd thomen mögen/Darinn wir vnns
dan allermas vnd gestalt/wie vns als Cristlichem Kai-
ser/Namens/vnd Ambts halber/züaignet vnd gepürt/
gannz gnediglich vnd vätterlich züerzaigen/Auch der

Teütschen Nation Libertet / auffnehmen / Ehr / nutz vnd
wolfart / mit allen gnaden vnd trewen zübedencken / zü
erhalten vnd zübefürdern / vrpüttig / willig / vnd schul
dig sein.

Welches wir Ewer lieb / Andacht / vnd Euch / der
halben hiemit anzaygen wollen / damit jr der vrsachen /
dises unsers billichen / notwendigen / vnuermeidenlichen
fürnemenns / warhafftige begründte erinnerung / vnd
wissenn empfahe / warumb wir darzū zwungennlich /
Bewegt / vnd genottrant seyent / vnd das mit nichten
lenger anstellen / verhalten / vmbgeen / noch verhieten /
sollen noch mögen.

Vnd gepieten hierauff Ewr Lieb / Andacht / vnd
Euch allen vnd yeden / sament vnd sonnderlich / bey den
pflichten damit jr vns vnd dem heyligen Reiche ver
wandt seyent / auch bey vermeydung vnserer schweren
straff vnd vngnad / vnd sonderlich bey verliering aller
Ewr Regalien / Lehen / Freyhaiten / vnd genaden / So
Ewre vorfarn vnd jr / von weiland vnsern löblichen
vorfarn Römischen Kaisern vnd Königen / auch vns
vnd dem heiligen Reich erworben / auch bey verwür
ckung leibs vnd güts / hiemit ernstlich vnd wollen / das
jr Euch gemelter Johans Friderichen vnd Philipfen /
so sich nennen Hertzog zü Sachsen / vnd Landtgraf zü
Hessen / wider vns mit nichten annemet / noch beladet /
inen auch mit dienet / hilff noch fürsches / mit Profandt
noch sonst in ainich ander wege / weder haimlich noch
offenlich beweiset.

Wo auch Ewr ainer oder mer/in iren oder irer ains
nigs dienst/besoldung/oder bestallung/oder inen sonst
zugezogen were/das der vnnnd dieselben/angesicht ditz
Briefs/one allen aufzug vnd waigerung/sich vonstun-
dan erheben/vnd gestracks widerumb abziehen/vnnnd
sich ferrer mit gebrauchem lassen/Auch ir die Stende/zü
gehörigen/verwandten/vnd vnderthanen/gedachter
Johanns Friderichen vnnnd Philipfen/die sich nennen
Herzogen zü Sachsen/vnd Landtgraf zü Hessen/inen/
ainiche gehorsame/hilff/noch Beystandt/ferrer thains
wegs laisset/noch Euch irer Rebellion/vngehorsame/
vnd verprechung/ferrer noch weitter anhengig/noch
tailhafftig machet/Somnder Euch derselben hierin
genglich entschlaget/vnd enthaltet/Auch Ewr liebden/
Andacht/vnd ir alle samptlich vnd sonderlich/vns zü
volnziehung solcher obberüerten Erclerten Peen vnnnd
Straffen/gegen gemelten vngehorsamen/vntrewen/
Fridbrüchtigen/Achtern/dieselben zü gepüremnder ge-
horsame züpringen/Ewr getrewe Beystandt/hilff/für-
schub/fürderung vnd züzug thüt/vnd Euch daran nit
irren noch verhindern lasset/ainich Pündtnussen/vers-
stendtnussen/noch Adherenz/noch ainich Ewr erbhul-
digung vnd pflicht/damit ir inen verwandt sein möch-
ten. Dann wir solche Pündtnussen/Adherenz vnnnd
verwandtnus/die seyen gleich hieuor oder yetz von
newem/auffgericht/ernewert/oder erstreckt (sowil die-
selben Ewrn vns hieuor gethanen pflichten vnd Ayd/
Auch diser vnser Erclerung vnd erkäntnus/oder sonst
in ander weg/vns als Ewer ordenlichen höchsten Obo

rigkeit züwider sein/raichen/oder verstanden werden
möchten) Als die so in disem fall/ nach vermög aller
Rechten/ Euch wider vnser erkänntnis/ vnd volzie-
hung derselben/ mit pinden/ noch verhindern sollen oder
mögen/ mit wolbedachtem müet/ rechtem wissen/ vnd
von vnser Kaiserlichen macht volkommenheit/ hiemit
genglich auffhebt/ cassiert/ vnd vernichtet/ Auch Eur
lieb/ Andacht vnd Euch/ souil deren darinn verwandt
weren/ von derselben vnser Kayserlichen macht vol-
kommenheit/ darvon entlich absoluiert/ vnd ledig gezelt/
Vnd dan Euch die Stende vnd vnderthanen genaüts
herzog Johans friderichen/ vnd Landtgrauen/ Land-
schafften/ von ewer erbhuldigung/ vñ pflichten gefreyt/
vnd enntledigt/ vñnd allen denen so sich hierinn/ gegen
vns gehorsamlich erzaigen/ vnser frey Kaiserlich glayt/
vnd sicherhait/ hiemit gnedigklich zügesagt/ vñ gegeben
haben wellen.

Setzen vnd mainen auch von yetzberüerter Kaiser-
licher macht volkommenheit/ das die selben Achter/ hies
wider nit Schützen/ Schirmen/ Freyen/ oder fürtra-
gen/ ainich gnad/ Freyhait/ Tröstung/ Gelayt/ Sicher-
hait/ Landt oder Burgfrid/ obberürte oder ainich ander
Pündtnus/ verainigung/ Burg/ oder Stat Recht/ so
von vns/ vnsern vorfarn am Reiche/ Römischen Kai-
sern vñnd Königen/ oder andern Herrschafften/ oder
Obrigkaiten/ Euch oder inen/ gemainklich oder sonder-
lich gegeben oder bestettigt weren/ oder noch wurden/
Auch kainerlay gewonhait/ Brauch/ oder alt herkommen/

noch sonst alles anders/das inen hierinn zu hilf/Steuer/
oder staten komen solte oder möchte. Wann wir sy
die gedachten Achter/in dem allem als desselben vnem-
pfenglich/aufgeschlossen/vnnd darinn nit begriffen
haben wellen/Wo aber Ewer ainer oder mehr/was
Standts oder wesens der/oder die seyen/sich hierüber/
in was gesuechtem schein/oder weg das inier geschehe/
vngheorsam erzaigen wurden/ gegen dem vnd den sel-
ben allen/wellen wir vns gleicher weise/wie gegen be-
nannten Achtern/mit ernstlicher Straff/nach vngna-
den züuerfarn vorbehalten haben/Darnach wisse sich
meniglich zürichten vnd vor nachtail vnnd verderben
züuerhieten/ Das mainen wir Ernstlich.

Geben in vnser vnnd des Reichs Stat Regen-
spurg/am zwainzigisten tag des Monats Julij/Nach
Christi gepurdt/Fünffzehnhundert vnnd im Sechß-
vnd vierzigsten/Unsers Kaiserthümb im Sechß vnd
zwainzigsten/Vnd vnser Reiche im Ain vnd dreißig-
gisten Jaren.

